

# Bernhard Altermatt tar il Forum per la bilinguitad

DA GUIU SOBIELA-CAANITZ

---

■ **La fundaziun «Forum per la bilinguitad» ([www.zweisprachigkeit.ch](http://www.zweisprachigkeit.ch)) cun sedia a Bienna cumpiglia la directura Virginie Borel, la mainaproject Prisca Siegel e la secretaria Ana González.**

Quai pudess confermar il resultat da re-tschertgas fatgas en Finlanda ed en il Tirolo dal sid: «Giuvnas s'interessan dapli per la bilinguitad» (v. La Quotidiana dals 4 da november 2013, p. 11). Ma davent da l'emprim d'october vegnan las trais damas tuttina rinforzadas d'in sociolinguist biling: Bernhard Altermatt, docent

e perscrutader a Friburg. Lez vegn a promover las activitads dal Forum per la bilinguitad e schlargiar sias relaziuns cun autras regiuns bilinguas svizras, per exempel il Grischun. Ils 12 da november en la scola Kreuzfeld da Langenthal/BE ha lieu in'occurrenza per l'instrucziun da franzos en l'instrucziun primara germanofona dal chantun Berna (v. La Quotidiana dals 10 da settember). Altermatt duai era promover la cooperaziun cun fatschentas da l'economia privata e publica. El ha gia lavurà davart la politica da linguas e la protecziun da minoritads en Belgia e Canada.